

乙

巳

巳

乙巳占卷第四

朝議郎行秘門郎中護軍昌樂縣開國男李淳
風撰

五星占

夫形器著于下象係于上所以通山澤之氣引性命
之情近取諸身耳目為肝腎之用鼻口定心腹之資
故情慾暢于性灵神道宣于視聽彼此響應豈不然
歟是以聖人靜而行之垂教後世授之以職位分之
以國野象之以事物定之以吉凶雖變化萬殊誰能
越此將來事業可得而理焉易曰在天成象在地成
乙巳占

形變化見矣此之謂也但去聖久遠通人間作名數
多少或有不同今摭列之取其理當者以著于篇淳
華之流刪而不錄矣

凡五星之行也象人君次叙不敢干犯乱常越次當
位矣猶如月有弦望晦朔星有伏見留連是故歲星
填星熒惑晨見于日後行遲于日當其平旦之時欲
至于午上便留而平旦過午返則逆、行至于夕
時又欲當午上則後更留、而午則又順行、極而
伏与日合則同宿共度而受命于日更晨見于東方
此皆不敢以昏旦之時當于午縱任行歷故遲速留

焉至于金水二星則又甚耳晨見東方平旦當丙巳
之地便速行以追日及之伏伏与日合舍後出于西
方速行昏時至于未之地即遲行待日而又伏焉此
則日与五星皆不敢以昏旦當午而盛故易曰日中
則昃月盈則食天地盈虛与時消息是則正南方者
君之所南面也故莫敢經焉而五星伏見日數各殊
遲疾逆順其數不等求之見合大較同一術焉今列
于左

歲星率五十三萬四千五百三

一本云五百三十分一之五

晨伏十六日

一終三百九十八日

乙巳占

卷四

二

熒惑率一百四萬五千九十四六分半

晨伏七十二日 一終七百七十九日

填星率五十萬六千六百三十八分半

晨伏十八日 一終三百七十八日

太白率七十八萬二千四百五十分

晨伏六日 一終五百八十三日

晨見伏三百二十七分同夕見伏二百五十六日

辰星率十五萬五千二百七十八分半

晨伏十一日 一終一百一十五日

晨見伏五十二日分同夕見伏五十三日五十六

日

推合見日月術

星官占

金水二星輔日者也凡日之出入而金水二星
輔之皆不出十三度外如離日以至三十度之
遠使昝東南之隅謂之晝見于朝夕若夫經天
是中天而明其離不止三十度主兵主喪

夫五星者昊天上帝之五使稟神受命各司下土雖
幽潛深遠罔不悉知故或有福德祐助或有禍罰刑
威或順軌而守常或錯亂以顯異芒角變動光色盛
乙巳占

衰居留干犯勾已掩滅所以告示者蓋非途之一也
凡五星各有常色各有本体至如歲星色青熒惑色
赤如大角如參左肩是其常色填星色黃太白色白
如五車火星有光辰星色黑如奎大星

凡五星色青圓為飢而憂赤圓多旱而淨黃圓女主
喜白圓為喪與兵黑圓水而病

凡五星黃角土地之爭赤角犯我城郭白角為兵青
角為憂黑角死喪

凡五星五變常者青為憂赤為爭旱苗為喜白為兵
黑為喪病

夫五星係八卦

填星係于坤艮故其行最遲象地之与山不可移易
女人之德也

歲星係于震巽象草木之震動而遲也又似風雷
有時而作雷震百里風為号令而震動者人君之象
也故象主德焉

熒惑係于離火也凡物之恒動而不靜者火也火
能昭明糾察煇燒穢積故蕩除暴逆故熒惑行疾于
木而象祀官察獄以罰萬物易曰相見乎離大人以
繼明照四方故主祀察焉

乙巳占

卷四

四

太白係于乾、為天辭行健不息故金行易急易曰
悅乎兌出乎戰故主兵、又須有威故主威兌為悅
言以悅使人以威臨物乾兌之道也故太白主兵焉
辰星係于坎、為水為陰為盜為刑、盜于陰司獄
之官也故其坎所主于刑焉

凡五星之入列宿與中外官其占大同但當以理為
消息其吉凶不可一一具陳也

凡月之行也每去五星十度內必疾行向之若近內
外則屈、思就之過之則遲行留止不速去
又辰星欲見有時依度合見而入氣差伏者去之十

八度內有星者見無星則不見此皆相從就之大例也並著在歷術之中其日蝕交分亦然

五星四時之色春青夏赤秋白冬黑四季月黃

五星色論時候以五相休囚困之則知吉凶

凡五星之內有三星以上同宿為合凡聚合一宿相生則吉事興相尅則凶事起

宿之行性並于當方為定兼之宿占而察其事焉

二星明相合大吉相尅大凶福德先至為吉刑禍先至為凶刑禍先去為吉福德先去為凶一吉一凶兩事但發但當修德以脩之

二星以上聚合皆為改革政令
三星若合是為變位
純行改立侯王
四星若合是為大盟其國兵喪並起君子憂小人流
五星若合是為易行改立王者王者奄有四方子孫
蕃昌亡德受殃滅其宗廟百姓鬻去被四方五星大
事大小事小

歲星占

歲星一名攝提東方木德靈歲仰之使蒼龍之精也
其性仁其事親其時春其日甲乙其辰寅知其角
其數八其帝太皞其神句芒其象麒麟其味酸其臭羶
卦在震巽人主之象主道德之事故人君仁也其常

散大而清明潤澤所在宿國分大吉

易傳曰人君行道德仁和則歲星明大潤澤明大潤
澤則人主壽昌民富樂中國安四夷服人君行酷虐
殘暴則歲星時、暗小微昧暗小微昧則君亡君死
是故星明則主明星暗則主暗人君從諫則歲星行
如度人君聽佞拒忠諫則歲星亂行故歲星變也
亂行人君無福進退如度則奸邪止息猶如木之曲
直從繩則正人君性習從諫則聖矣
人君令合午時則歲星光堂年谷登人君暴怒失其
理則歲星有芒角而怒岁星怒則兵起有所攻伐

歲星所在之分不可攻之則反受其殃

秦之將亡也歲星聚于東井東井秦之分也秦政殊

暴失政歲星仁和之理違矣歲星貌恭則肅不肅

之道拒諫信讒是故二世君終于屠滅漢高之入秦

也修德布政仁和約法三章與民更始除秦暴酷故

秦人欣戴焉卒入三秦之漢中而基王業也項羽後

入燔燒宮闕殘暴焚害失仁和之德卒以敗亡是故

人君順其時處其分宜布其德而修其政也

歲星所在處有仁德者天之所祐也不可攻之必

受其殃利以稱兵所由必克

歲星木星其時春也人君春時當順少陽德令天子
率百官制法度當布德和令施惠下及兆民無有不
當順天象授氏時祈嘉谷穀新卒布農令修封疆相
地宜以遵民躬必親之命賜司典正殘代毋殺粟毋
殺胎夭飛鳥毋麇卵毋從大衆毋置城廓掩骼埋胔
不稱兵戎不起不可以從戎始毋逆天之道毋絕地
之理毋亂人之紀仲春養幼少存孤獨省囹圄去桎
梏上獄訟毋肆掠同律度正權衡無作大事以妨農
時無錫川澤無漉陂池無焚山林命出而不納天子
布德行惠發倉庫賜貧窶之開府庫出錢帛賜天下

乙巳占

卷四

七

勉諸侯聘名士禮賢者止戈獵無悖于時無淫巧以
蕩上心則歲星無變而降福矣

歲星失令非時行夏令則熒惑干之則星變赤芒角
國大旱煖氣旱至螟虫為害食人民疾疫時雨不降
山陵不收風雨不時草木早落國時有恐中國寇戎
來征行秋令則太白干之則星變白而無光寒氣大
至民大疫飄風暴雨提至菽蓬莠蒿並生天多沴
陰霖雨早降秋行冬令則辰星之氣干之星變黑身
小滂為敗雪霜大至首種不入陽不收麥不熟民多
相撓寒氣時發草木皆肅國有大水

歲星為仁為貌曲直象木可直木曰貌容儀也貌
曰恭、儀恪也恭作肅、敬也肅時雨若狂恒雨若
是故人君貌恭心肅則歲星光明盛大無盈縮儀而
行中道降福德而示吉祥時雨降人君壽百谷成大
下安而民樂矣若人君臨亂恣情則歲星變芒角
錯逆除示應恒而淫注人君不昌百谷不成庶事不
寧天下有兵
夫歲星色澤微暗進退失度為奸佞並與人君無福
有芒角者戰勝
曰順角所指戰勝逆者凶順行不可逆戰行不可背

之以戰也

歲星与月相掩食國有大喪女主大臣凶

歲星与熒惑合門殺大將

歲星与太白合門有兵南与太白相犯有兵大战金
在木南、國敗在木北、國敗木乘金偏將死木与
金合門大將死

歲星先至諸星從之者其國分君若以德威天下應
留不留國亡應出不去國昌

歲星主齊魯青徐色白有喪黑有病赤有兵起黃有
喜也

歲星平見入冬至初者減八日後六日損七日以次
六日損一日畢于大寒四十五日凡損十六日尽即
平行自入立春十一日加一日畢于雨水因入春分
均加四日清明谷雨均加五日立夏畢于大暑均加
六日自入立秋初日加六日後加十日減五日畢于
秋分自入寒露已後六日減一日畢于立冬自入小
雪畢于大雪均減八日余為定見日初見去日六度

五星行術

置星定見之前夜半日所在之宿度筭及分各以定
見去朔筭及分加之行分滿法六百七十乃後度一

其日度星度以星初見去日度数晨減夕加之命度
分各半日也
以次則星初見在度分求者次日各以一日所行度
及分其金火之行而有小分者各以日率為母以分
滿母法從去行分滿六百七十去後行度日一度其
有益遲益疾者則別置一日行分各以疾益遲損乃
加之留者因前退即減之伏不注度順行出虛去其
也行入斗先

星初見順日行一百七十一分日益遲一分一百
一十四分日去十九度三百二十三分而留二十六
日乃退日行九十七分八十四日退十二度一百八

十分又留二十六日乃順行初日行至五十八分益度一分疾一百一十四日行十九度三百二十三分而伏

歲星入列宿占

歲星犯左角天下之道皆阻塞犯右道角天下更主使絕域

留守角中五谷成熟留之一百日兵起犯守角者大赦忠臣用

乘左角法官誅乘右角大將軍死

逆行于角人主出入不時若有急事千里之行

乙巳占

卷四

十

犯守乘左角七日以上天下大赦

犯守乘右角賢士用期七十日

歲星犯亢天子坐之則敗于君

亢其國疾疫

經亢韓鄭有兵

守亢小兵

逆行守亢為甲國

犯守亢逆行失德度其色明大政不用

歲星犯氐國無儲

舍守氐其國歲熟賤人有疾

乘氏之右星天下有大水大兵
乘氏之左星天子自將兵于野

出入舍氏者天庫之星也其国有急令其歲太平
環而守之其國以兵致天下水為嬖妻有喜若与月
合在水而暈不出四十日有德令

守氏王者立后期十八日

犯逆行守氏國大飢人民流下亦為人多病

歲星入房十日成句已天子惡之以救同占又曰皇

后夫人表謂房東行復還反也

舍房色不明有表又曰大水

乙巳占

卷四

十一

守房為大人憂以赦解之

犯房將相有憂

舍房人主喜其將大吉

歲星近心七日以內有暴貴者遠不出百八十日
經心清明烈照天下奉玉化帝必延年

乘心其國將死

居守心王者行合天心陰陽和天下大豐五谷成熟
有慶賜賢士用皆有德令

犯乘守心大人凶

中犯乘凌太子位太子憂少子位少子憂

歲星入尾者易后太子又曰后族有升顯若不出百
八十日

守尾民人憂大人作亂若反逆從天將震起若中有
諂諛者期二十日卿出當之

乘犯尾早谷大貴人人弗食

守尾三百日王者以嬪為后

歲星入箕天下兵亂箕中有一星民莫處其室

在箕南早在箕北有水其年入箕墮者歲稔之象也

入箕中行疾中有口舌相讒事期五十日若百二十日

守犯出箕多惡風谷大貴天下大旱飢死半民相食

乙巳占

卷四

十二

歲星犯南斗為大赦

垂凌南斗有大臣反伏誅

入南斗中死者甚眾

經南斗魁失道者死

南斗吳國福歲大熟

入南斗若留守斗所居國當誅

歲星犯斗越獻金錢

居斗三十日至九十日天下和平道德明和四夷朝中國

入牛農死于野陰陽不和五谷多傷

犯牛留守之為有破軍殺將牛多死

歲星入女有進美女大人有慶若宮女喜立后拜太子期四十日若九十日宮人有受賜者

守女逆行其君廢農桑

守女米一斗三百民有自賣者多火災

逆行留守凌犯女天子及大臣有疾必有苛政布帛貴賤不時

歲星入虛天下大虛

經虛齊國多憂

守虛凡日以上至三十日主者起宗廟修陵塚有白衣之會不出九十日

乙巳占

卷四

十三

入守虛留守之二十日不下有立諸侯六十日不下
國有死將百日不下改年號大臣戮死期二年
犯虛而守之王者凶改服有白衣之會不出六十日
天下大飢人民流千里君臣離散

歲星舍危南而膏王室

守危三十日若二十日諸侯天子更宮室民多土功
有哭泣之事又為多盜賊民相惡之

歲星犯室犯陽為陽有急犯隱為隱有急

入室而人主有賞賜之事天下當有受賜爵者
歲星東壁故其去陽之陰天下喜牢獄虛

守室民疾病有德者得歸与民爵

歲星居壁五谷以水傷

守壁天下大赦王者有克舜之治四海同心杞壁天下兵起一曰狄兵起

歲星入奎其年五谷以虫為害

居奎南翟賤牛馬布繒皆居奎西翟物貴人不安處奎中小赦

守奎北狄來降

逆行入奎而守之其君好攻战兵甲不息人民流亡不安其居

歲星入婁國有聚人主喪期一年

守婁王者承天位天下安寧有慶和有兵兵罷
逆行守婁其君年吏斷獄不用不以時民多怨訟若
有赦令

歲星犯胃為天下五谷無實以為災

經胃昂畢趙水滯魚行入道

守胃國以無義致災有水旱事王者順天德歲中
昌

歲星乘昂若出其北為陰國有憂若胡王死
守昂東羅大貴三月後守北其歲有德令

守昂王者有德令昂者天之內室歲星近之下獄之
臣有解者不出四十日

守昂畢東行至天高復反至五車為逆兵一日為赦
令

守入昂為入守天獄天下獄虛

歲星犯畢出其北陰國有憂出其南陽國有憂
入畢口中還有兵

出畢陽則旱出畢陰則水為政令不行

歲畢北其年有赦令有別商之國奪地之君一日歲
水處畢南有土功男子多疾疫歲早晚水處畢東多

乙巳占

卷四

十五

暴雨金器刀劍貴

守卑口國大赦王賜夷狄若有功德一曰耀大貴
犯附耳兵起若有將相喪憂不即免退
歲星犯觜觿其國兵起君誅罰不當

守觜君臣和同

犯守觜不出一旬必有覘候之事農夫不耕天子望

后俱憂甲辰日

歲星犯參水旱谷不收

處參東若處伐星東多流人多暴雨
處參地若處伐星北多橫水

粟參天下農夫不耕

守參有赤星參中有兵起

入若守伐星天下有兵

歲星入東井秦國王留守之以仁治天下

犯東井人主有行泥水之事大將惡之其國內亂有
兵起

犯井鉞刑罰用兵起

乘守東井人主有法令水衡之事逆臣為亂將軍死
人君有憂

歲星犯鬼鎮人君有憂斧鉞用大臣誅

乙巳占

卷四

十六

入鬼留十日以上令散于諸侯期六十日若十月
逆行抵鬼中夾者其君主之

守鬼出于左右貴親坐之

守鬼西南為秦漢有反臣以赦令解之

干犯守天口国有喪天口鬼中粉白者是

歲星犯柳有木工事若名木見伐

經柳国多義兵

守柳貴臣得地有德令不出九十日

逆行守柳為反臣中外兵起以德令解之

歲星入星有君盟太子

留七星為天下大憂

守七星旱火災万物百谷不成有飢

入若守七星盜賊有功兵

歲星入張旱災多火災萬物百谷不成

逆行張其君用樂淫佚

處張西歲大水東大旱

守張天子有慶賀事守張十日其歲大豐五谷成三十日不下天下安寧守之留百日其主昇平君臣同

心

逆行守張人民疾疫多心腹病

乙巳占

卷四

十七

犯張若守之王者政事若有千里之行

歲星入翼人多流亡五穀傷于風期一歲中

出入留舍朔荆楚有急歲多大虫六十日不下小人

失功

守羽王者應天又方術之士大用天下符瑞不出九

十日

守翼主聖天下和平五穀登禮樂興

歲星入軫中伺其出日而數期二十日皆為兵發伺

始入處數之率一日期十日軍罷外宮同八宿中逆行

至軫及守之其國有喪人君改服天下更王之全期

二年王者以赦除害一曰舍七日不後有弑君者
逆行至軫及守之其国有喪人君者
在軫王者憂疾病若有喪不出九十日改服王者修
宗廟赦三萬內災消

處軫東耀貴處軫西有女喪若有水處軫南六畜及
車東處軫北為多疾病

歲星干犯中外官占附五星內

五星犯并提臣謀甚君若主出有兵起期一年

五星犯守大角臣謀主有兵起人主憂王者戒慎左
右不出八十日素期一年

五星入天市中將凶一日五官有憂一日有赦

五星犯帝座為臣謀主有逆亂

五星犯守東西成為臣不從令有陰謀

五星犯天江天下水若入之大水滿城郭人民飢去

其鄉

五星干犯五車大旱若喪

五星犯庫星兵起北方西方

五星犯倉谷貴有水

五星犯建星大臣相譖

五星犯高珠宮中有爭者若有亂若宮女有罪斥

五星出北河界若乘北河界為女喪

五星中犯乘守五諸侯諸侯死期三年

五星入五諸侯伺其日出而殺之皆二十日兵發伺

始入處率有日期十日軍罷

五星犯守積水其国有水灾物不成魚鹽貴一曰水

滂為敗糴大貴氏期二年

五星犯守積薪天下大旱五谷不登人民飢

五星犯守水伍天下以水為害津梁阻塞不出其年

五星犯天庫天下亂大飢粟散不出期年

五星守參旅兵大起弓弩用大將出行一曰弓矢貴

乙巳占

卷四

十九

五星入天庭色白潤澤期百八十日有大赦

五星東行入太微庭岁不登人民飢暵出東門天下
有急無若守之將相太史御史有死者

五星入太微中華東西門若左右掖門而出端門者

必有反臣

五星犯黃帝座改易主天下乱存亡半

五星犯守四帝座臣謀主去之一尺事不成

五星中犯乘四帝座天下半亡

五星守內屏星君臣失礼于下謀上一曰大臣有賊
死者

歲星入五車兵大起五谷不成

歲星入建星諸侯有謀入關者期六十日若百五十
歲星守天關有兵起期三年

歲星行南河戒中為四方兵起百姓病

歲星乘南河界為中國兵起

歲星乘北河戒中出北河界為胡王死

歲星在軒轅中有女子反謀君王之兆

歲星行犯守軒轅女主失勢一日大臣當之若有點

者期二年

歲星中犯乘軒轅大民星大飢大流皇太后家有作

歲星中犯守軒轅少民星小飢小流皇太后宗有誅
者若有罪黜

歲星入少微君當有求賢佐不求賢佐則失威奪權
歲星入太微端門守庭大禍至

入南門出東門國大旱

入南門逆行出西門國有大水逆行入東門出西門
大國破亡

順入西門蕃而留不出楚國凶殃

歲星從右入太微主有大憂有赦犯將相執法大臣
有憂執法者誅五星全全火尤甚

歲星逆行犯帝座其色白者有赦

歲星守黃帝座大人憂

歲星犯平星守平星執政臣憂若有罪誅者期一

年

歲星入羽林諸侯悉發兵強臣謀主王者有慶期三
年

乙巳占卷之四終

乙巳占

卷四

乙巳占卷第五

朝議郎行秘門郎中護國昌樂縣開國男李淳
風撰

熒惑占

熒惑一名罰星南方火德朱雀之精赤烟怒之使也
其性禮其事視察其時夏其日丙丁其辰巳午其膏
徵其數七其帝炎帝其神祝融其虫羽其味苦其臭
焦其卦離主視明禍福之所在熒惑伺察而行殃罰
易曰相見乎離又曰重明以麗乎正大人以繼明始
乎四方主遂兵主災旱主察獄主死喪為禮為理官
乙巳占

刺奔糾察以明奸回所在而垂示應變焉人君當于
夏時修災眚之政則君正臣忠父慈子孝咸得其理
不失祀節矣災眚之政者人君命大臣三公訪傑俊
選賢良奉長者加爵錫祿必當其位斷薄行決小罪
出輕係寬重囚益季放新祀山川霽請谷寔則災眚
順規而無變異其國有祀咸得其宜爰氣長物以成
百室若人君行土功合諸侯起兵動衆大事以搖發
氣壞墜我衆伐大樹失農時燒燔布爆焚刈草木用
火干犯南方則災眚怒而芒角變常行度錯逆大臣
反國相誅人君憂夫殃罰之民不昌谷不成萬物不

長兵旱灾火並起

人君以夏行秋令則太白之氣干之色白而味苦而
數至水滯五穀不滋四鄰入堡中草木零落果實旱
成民多疾疫孕女多傷有大傷

以夏行春令則歲星之氣干之色青而變人君有憂
蝗虫為災暴風來格禾草不實五穀晚熟百勝時起
其國乃飢谷實鮮落民多近移

以夏行冬令則辰星之氣干之色黑而怒有患死喪
草木枯落後乃大水敗其城郭雹凍傷谷道路阻塞
暴兵來至

人君失時令則災惑錯亂逆行乘犯凌守甚角搖動
句已環遠無所不為或下化為人童子妖言並作惑
亂人君人君憂之宜修德以禳其災

災惑大星也性變上而為礼察觀政為人君視正明
察教令決斷清審則分明矣愚故礼明哲以應天心
則災惑明而小光而不怒災暑之氣長養萬物百
殃咸息矣

史記天官書云雖明君亦視災惑之所在其重如
此

人君若佚豫驕怠獄訟不止賢人在野小人在位視

聽不明賢愚莫辨則熒惑大而明怒而芒角以告罰焉則吏旱疾疫非時失宜灾罰俱作矣

是故熒惑所在伺察人君國分主者得失以罰之也其示罰則灾害凶禍並至怒動芒角為火兵起盜賊不止國將滅亡

熒惑小而赤主兵罷行成句已戰凶國有軍

熒惑始出色赤而芒角軍在外戰無兵兵起隨芒所指破軍殺將之象也

熒惑芒角大盛大動搖者利為客攻擊有威勢熒惑不動兵戰凶有誅將

乙巳占

卷五

三

留三日以上大將死留五日軍敗亡地留十日君死
國亡之象也

熒惑去復逆行其宿有破軍死將亡國死下者

熒惑所留逆行之國兵起鄰門殺將亂軍亡國破家
父子相去至于流血謂順度所留也其越度留者益
甚

熒惑所承凌守犯宿其國必當死亡

凡用兵戰者宜背熒惑如熒惑行在鶉天之次宜背
午以戰又以月將加時背勝先而戰大勝
熒惑犯本土為大戰大白傳之亡偏將

熒惑環太白偏將死与太白相逆而鬥破軍殺將
熒惑入太白中上破軍殺將客勝
太白熒惑相犯大戰太白在南南國敗在北北國敗
所聞之野破軍殺將

熒惑所在不利先起者

熒惑所行之處留守之皆為大禍君死國亡若君修
德不為咎而反加福矣犹宋景公時熒惑守心景公
出三善言熒惑退舍而延二十一年矣

月与熒惑相犯貴人死

凡熒惑行復跡名曰燒跡大旱凶飢兵敗國亡

熒惑平見入冬至初日減二十五日後六日減五日
減二十五日餘者以冬至平見日畢于小寒入大寒

三日加

日平見畢

畢

于谷雨均加二十九日自入立夏初日加二十九日
後加三日減一日計日減去二十九日餘者以加平
見日畢于大暑日入立秋依平自入處暑日減

一日畢于立冬日入小雪日畢于大雪日均減二十

五月初見五日十七度

行星法在
歲星占內

熒火見在冬至初日率百四十一日行一度一百六
七度在也

熒惑入列宿占

熒惑犯左右角大人憂一日有兵大臣為亂

熒惑入左角有大赦入右角兵起

熒惑守左角左將憂守右角右將憂

熒惑守天門王絕嗣

熒惑成句已環繞角有芒如鋒刃天子失位

熒惑入亢天子廷有兵水災

熒惑守亢成句已而環遶之五十日天子自將兵國

易政

熒惑逆行守亢為中兵

熒惑犯亢臣亂多疾疫

熒惑入氐一名天子宮也天子失其宮

熒惑入氐留守二十日不下當有賊臣在內謀反三十日不下其國興起人主當之

凡此為天子宮罰星入宮中不祥之應所守之國其君死

熒惑逆行氐失地一曰多大災

熒惑守氐成句已者大人憂之天子惡之一云教期

六月

熒惑逆行入氐大臣謀反事成

熒惑干犯凌房國君有憂色青憂喪赤憂兵積尸成
山里有將相誅白芒角火災金同

房四星股肱將相位也五星犯之將相有憂

熒惑入房三道天子有子

熒惑入房馬貴出房馬賤

熒惑行房南旱若守之為喪行房北為水若守之為
兵

熒惑出中道留之天子有喪期三四月天下大赦

熒惑犯房鉤鈴王者憂金同

熒惑逆行至鉤鈴王者憂又天子侍臣俱亡

乙巳占

卷五

六

熒惑犯必戰不勝外國大將戰聞死

一曰主亡又曰王者絕嗣

熒惑犯太子太子不利犯庶子庶子不利土同

熒惑入心大人振旅天下兵若色不明有灾金同

熒惑逆行而西守心二十自大臣為亂又哭泣吟

王命惡之國有大喪易政

金水

熒惑守心大人易政主去其害

漢書天文志高祖十二年春熒惑守心四月宣車

晏駕

熒惑在尾与辰星相近天下獄開大赦

熒惑留尾箕臣下淫亂

熒惑守尾歲多妖祥皇后恐又曰人民為變國易政

大臣作亂若從大將家起五星全

熒惑守犯尾妾為夫人女主惡之土同

熒惑守天江赤地千里人民流亡

熒惑入箕谷大貴天下大旱飢死

熒惑出天梁守箕大赦

熒惑守箕燕主有死一曰憂內讒

熒惑入箕中若守之天下兵起吏人相攻士卒半死

人民流亡不居其鄉其國失地

熒惑入斗南斗有敵五里

熒惑犯斗破軍死將一曰有反臣道路阻塞丞相有事

熒惑入斗三月吳王死二月皇后死一月相死不死
走出又曰大臣之國內外謀大亂又曰中國有大亂
兵大起

熒惑入斗口中大臣反被誅若相死臣走

熒惑守斗救一曰二十日有大赦

熒惑守斗留二十日以上宰相出走既已去復還居
之宰相死

熒惑入斗若守之所守之國當誅木同
其地有亂君

熒惑入斗晨出東方因留守其國絕嗣

熒惑守斗為亂為賊為喪為兵守之其國絕嗣

漢書天文志孝武元鼎志中熒惑守斗其後起相
呂嘉殺其王及太后漢兵誅之滅其國

熒惑入斗中四月起王死釋大貴

熒惑守斗民飢有自賣者多大災又曰有犧牲之事
有反逆者從中起有走軍死將

熒惑入女中一旬皇后死布帛貴天子納美女不然

兵甲起

熒惑守女皇后病疫宮中有火災

熒惑留逆行犯守凌女天子及大臣有魏令有憂

熒惑入虛中三月齊王死八旬相死召走出

熒惑入虛天下有變諸侯有死者有破軍殺將天下

更政令期一年

熒惑舍虛天子喜賜諸侯又曰赦天門中夾天下赦

熒惑守虛赤地千里人相食將軍死殺兵天下更令

熒惑入虛而犯之天子自將兵流血滿野必有亡國

死王期三年

樊噲入危大救天下兵起

樊噲犯室

樊噲入壁中三月衛國君死入五月相死否走出
樊噲中壁為天下兵起一曰狄起

樊噲入壁留守之有土功

樊噲入奎中人多疾

災或入奎中三月魯君死入旬相死否出二十八
災或入奎環遶之二十日相死三月不出國王死不
死走出期三年

災或入奎移動進退為教又曰天下大水民多死
災或守奎二十日以上以上大臣有謀國有兵若有
死王加兵于魯國之地期一年

災或入婁而守之天下有聚中兵大起車騎用必有
死君走相天下不熟民飢非一國山林有大盜道路
阻塞期一年遠三年
災或入婁成句已國有焚燒倉廩府庫之事若逆

行至奎兵大起臣謀君將軍為亂期不出年

熒惑守妻人病大水金銀貴

熒惑入守妾國君坐之一曰守三十日其國君有憂
熒惑入胃二十日天下有兵倉廩粟出

熒惑守胃其年旱飢民多疾王者好仁則解此大寇
金以祀殺義天下無咎

熒惑入胃而守之三十日不下趙地火急人民半死
大兵起客軍敗主人勝期不出一年

熒惑入胃守之東出民擾

熒惑犯昂若入之胡人聚中國匈奴大出四夷兵起

乙巳占

卷五

十

國有憂

樊噲入昂天下不安兵起有兵罷四月五月大赦
近期十五日遠期三十日赦又曰不可為客一日貴
人多戰死者

樊噲守昂無罪者誅又曰胡不寧

樊噲入昂已去復還守之有臣為天子破匈奴者期

三年

樊噲犯守昂胡民疾病一日散獄訟疑出囚

樊噲犯軍畢右角小戰

凡五星犯畢有兵司罪同

樊噲入畢將相憂國相死

災或入畢口有大赦令期十五日若三十日將相憂
若其國有白衣徒聚期不出一年

災或逆行至畢昂為死喪寇亂

災或逆行守畢兵大起馬頓其蹄牛運其角婦見碌
無所止屬萬民去其鄉飢于菽粟人人相食若其國
政不安其留及留守之物貴天下大疫其留二十日
以上兵大起多戰死者為宗廟神明事若多疾疫若
有女喪期十

災或守參

乙巳占

卷五

十一

熒惑犯井

熒惑入鬼大賊在大人之側

熒惑守鬼東北男子兵相殺守東南方民多飢守西
北為戎兵反守西南人民惡之秦漢有反臣兵事以
赦令解之土同

熒惑出入鬼守成命已尊者失宗廟期六十日若百
八十日

熒惑經鬼中犯垂積尸兵西北有敗軍死將留守之
天子有喪期二年後西來入守之下賊多死有土功
事有德令

熒惑犯柳木功事興若名木見伐

五星同

熒惑入柳諸侯有慶賀之事天下大樂

熒惑守柳有兵逆臣在側天下旱多大灾萬物五谷
不成糴大賁

熒惑犯柳守之有導主為非亂其國事若天子以飲
乙巳占

食為害不安社稷

熒惑入心星君有置太子者

熒惑入留舍心星國失地天下大亂若臣下衣服失度

熒惑守心星有兵若聚車騎又曰社稷傾亡宮中生

荆棘久曰治室宮中之事

熒惑守心星三十日其君憂

熒惑守心星為中外有兵以德令解之

熒惑入張大亂兵起六月十之國空

熒惑犯逆乘張大亂兵起

熒惑與張合所在之國不可興事用兵必棄受其殃

漢志水合于危又水合于斗同

熒惑守張大將有千里驚大水五谷貴一曰有土功
作役不時百姓怨謗又曰兵起女主用事官中生荆棘

熒惑非其次守張當去不去其色大赤其國卒兵後
留得其次不為災殃

熒惑犯張若守之天下有兵宮門常閉天子有急女
子不安五谷不成人民大飢一曰熒惑居張人絕糧
一曰熒惑守張天下大荒

災或入翼車騎 四海大兵民無停息万民若飢民
何覓食

災或逆行至翼不出其年有軍起天下大憂
災或守翼若大旱魚鹽五賁鬻物不成

災或逆行至翼多飢民流千里有亡国蛇龍見

災或入軫中四月楚王薨入旬日相死不死走出

災或入軫兵盜起一云水旱為害人民擾動妖言無

寔國政教改士卒勞苦

災或出軫南民多病出北民多死

災或守兩角間若至軫道絕出其南多病出北多死

出陰陽伐利戰勝

熒惑以十月守軫三十日車騎發若居軫中心天下人盡給軍事無有居家者

熒惑守軫旱水多阻塞國多火災万物五谷不成

熒惑干犯軫大臣戮死

熒惑干犯中外官占

熒惑入五車中大旱一日留不去旱又曰必赦一日亡行法令

熒惑犯守五車諸侯有謀反者不成

武德二年冬火入五諸侯懷恩王謀反伏誅

乙巳占

卷五

十四

炎威守天江赤地千里民人流亡

炎威行南河界中若守之旱若留止者為西方兵起
百姓疾病木同

炎威入若舍河北界天下有震因移係一曰大臣謀

炎威守積水兵起國有水憂

炎威守積薪旱多大災

炎威犯軒轅御女天子僕死

炎威干犯御女女主當之

炎威守軒轅五日兵起又曰宮中有誅者期百二十

日

熒惑犯少微賢有讓者人君當求賢德否則失威奪勢

熒惑入太微天下不安

熒惑入太微門右大將軍死門左小將軍死木全

大臣憂執法者誅

熒惑犯太微東西垣星天下大飢近期一年遠期五年

熒惑當以十月十一月入太微天庭受制而出行列宿伺察無道之君臣以罰之若干犯左右相左右相有誅守宮三旬必有赦期六十日

熒惑入太微天庭色白潤澤期一百八十日有赦
熒惑入帝座其色白者為有赦
熒惑能黃帝座主亡

太微垣下翼轸宿上是黃道為日月五星所行之
道也若云熒惑常以十月十一月入太微垣受制
而出此語不經

填星占

填星一名地侯中央土德句陳之精舍樞紐之使也
其性信而聖其事思而明其時四季其日戊己其辰
壬戌丑未其音宮其數五其帝黃帝其神后土其象

燥其味甘其臭香其邦艮坤填星為女主之象坤之
道也言福佑信順所在之國大吉又為聚眾王所
在之分成國君而兵強土王四季人君之象無所不
至故于四時行令必信而順以為四行之綱維猶如
地之紀持以配天成功也人君象地之載不動苗稼
可以積子以成百谷以養則填星黃明光潤而大履
道不越以降人君百祿百福順之徵焉

填星所處君圣臣忠民信物順則填星光明盛大祥
風至以動萬物人君昌其國若人君不思慮正道教
道不行以权詐威則填星降之不祥变色微小其國

不昌大風暴至傷損百物猶周公居東成王不信而
大風拔木邦人斯怨若此之變也填星主福德為女
主所在之國有福不可攻伐稱兵
填星黃潤女主喜芒角有土功聚眾事色白女主退
亡表色黑人君賄國敗色赤有兵
填星与岁星合為粟軍殺將合閼战兵内乱又曰其
邦飢战不勝亡地所去之分失地所入之分得地益
主食

隋二世大業十三年丁丑林鍾御律攝提地侯依
于參晉我大唐時爰發義旅肇基王業遂克平

宇內方齊乾紐再育蒼生更懸日月歷數鍾于中運
符瑞感應于黃神聖德溢于百王奇功邁于千古
此則參為庶習之分填王福徵德之徵感天順民
在于斯矣

填星平見入冬至初日減七日後九日加一日以減
平見日及介畢于氣盡日入小寒均減九日入立春
減八日以次氣則降減一日入谷雨畢世種均減三
日入立夏內減三日入夏至日內減二日十日外畢小
暑五日内減一日五日外畢氣尽依平見自入大暑
已後四日加一日畢于立秋自入秋暑均加九日自
乙巳占

入白露初日加九日後五日減去一日以減九日而
減平見日畢于寒露自入霜降後九日減一日畢于
大雪初見去日十七度星行法在
填星初見順日行六十分八十三日行七度三百九
十分而留四十八日乃退四十一分一百日退六度
八十分又留四十七日而順行六十分八十三日行
七度二百九十分而伏
填星行無遲疾以象女主持綱紀變異運行以象人
君不可輕違也

填星入列宿占

填星犯左角大賊一日將死

填星守左角天門貴人多死守右角天子獵弋國亡
守角為木有兵變留兩角間軍與國庭閉梁阻塞
填星犯亢廷臣為亂諸侯當有失國者
逆行亢女主治政一日徙倚亢前女主非其人若賤
女暴貴

守亢五谷傷人流亡又曰四海且安君貴禮義

犯守亢逆行不順失色大臣不順

填星犯氐左星在中郎誅死犯右星右中郎誅死期

三年

乙巳占

卷五

十八

守祔皇后有拜賀太子一日賤人女有暴貴者若有
土功之事一曰有赦令

守祔歲安邑亦有分裂地之君四夷不服天下大疫
守祔天下必有亡國死君

填星犯守房成白己天下相誅夫人喪

入房三道為天子有子火同

守房左去復還庶子秉國

守房國有女主喜大赦其國有兵發有反逐臣大人

喪天下易政令

守鉤鈴王者失天下

犯鍵閉王者不宜出宮下殿

魏齊王正始九年七月癸丑填星犯鍵閉明年車
駕謁陵司馬懿誅曹爽等天子野宿于是乎失勢
矣

填星犯心王者絕嗣犯太子太子不利犯庶子庶子
不利火同

在心人主貴清虛

守心其國相死一日人主任賢

犯乘陵心太子位太子憂犯庶子庶子憂
犯乘陵心天下大赦

犯心義士多烈節席夫立義也

守心太子反一曰太子廢子出色光明赤黃吉有賜
賀之事

逆守心成句已若環繞之其國內亂天子惡之以赦
解期六月

填星逆行入尾箕委為女主若星黃后有喜若立后
守尾芒角動更姓易政天下不安其國兵起
犯守尾為夫人女主后妃惡之

填星犯箕女主有憂為天下大赦一曰大亂
守箕后妃貴人大喜若三王一曰凌發後宮有亂

出入箕留守之九十日人民流亡兵火起期一年
守箕多雨必有必空國死五客水至小兵
填星亂行入斗且失地不然無滯于梁無見諸侯客
無所出遊如此即止又曰入天庫以喪起兵國中

逆行至斗地動

犯斗先行水後旱若守一句名水有溢不然有暴水出
守斗國有義士一曰大臣逆奸民賊子欲殺其王又
曰在陽田宅賤在陰田宅貴

填星逆行斗女為奸為賊
乘牛為人相乘于道

乙巳占

卷五

二十

守牛諸侯多忠烈天赦天下有急

守牛南為天子憂守北為主憂

守天關氣洩貢人多死

犯守牛土功事

填星入女有女喜

犯乘女人氏相惡有女喪

宿女逆行變色不安女主不親蚕桑一日多妖女朝

臣幸主上

逆行留守凌女天子大臣必有變令苛政

填星入舍虛中有赦德令大人憂天下大虛

守星天下亂政治急

出入留舍虛之中且有急行令未當至而至者有客
兵不過五日而去當至不至其國且月兵一曰兵起
守虛之中水且為急進而守之有客兵斧鉞用
入虛犯守之當有急令行疾而入虛又有客兵斧鉞
用不出其年

填星入危天下大亂若賊臣起出入留舍危其國破
亡夫地必有流血其國空虛有死亡期二年

守危天子弋獵天下歲儉

入危留守之其國破亡有流血將軍戰死亡地五百

里必有徙王期三年

守坟墓為人主有哭泣之聲

填星居室閉梁阻塞出入持節貴人多死

犯室陽亡有急犯陰亡有急

宿室而逆行女子自恣

守室色黃白女有分離賜邑而去者

守室南主賜金寶

守室為大人惡之以赦解一曰太后夫人憂

填星逆行壁女主干政

守壁遠國獻珍寶

逆行壁成句已其國必有大兵主功之事期六日不下天子有立王

填星入奎以表起兵一曰國有水事色潤澤出奎有善令變色入奎有傷令來若出奎有迫令出使者

逆行奎女主為賤

守奎天子誠在邊境不可遠行將兵出

填星入婁五穀豐熟人民息天下安

入留舍婁天下兵起一曰外國

逆行守婁三十日不下女主出入不時女主謁行若

乙巳占

卷五

二十二

守之九十日不下有奸臣謀主
出入委六十日不下周兵三年至十月小旱秋有兵
禾稼不成歲有霜
填星犯胃臣為亂

在胃陽女主不用事在陰女主死

出入留舍胃九十日不下客軍大敗天下小擾兵不
用

守胃歲谷大貴動搖天下有兵

逆守胃若勾已天下有兵六十日不下士卒大飢軍
大敗九十日不下鄰國有暴兵來伐中國期不出一

年犯

南為中國

填星守南河彗夷兵起邊界有憂若有旱災人民憂
飢

填星干犯軒轅女主失勢有憂喪地裂大夫有放逐
者五官有不治者色悴為憂為病其所干犯乘守者
有誅若有罪

填星守軒轅天下大赦一曰天下大飢後宮破散政
易政令人主以赦除咎期三年

乙巳占

卷五

三三

填星入平犯守少微為宰相易又曰為女主有憂一
曰為五官亂宰相有憂水目

填星犯太微女主持政大夫執紀綱

填星出東掖門為相受命東南為德事出西掖門為

將受命西南為刑罰事月日期以春夏

填星入西掖門出東掖門皆為人君不安欲求賢佐

填星入中華西門出中華東門為臣出令

填星入太陰西門出太陰東門皆為天下大亂有喪

若大水月同

填星守太微宮帝座必有破國易主立王

填星入太微干犯黃帝座女主執政用威勢
填星犯天街中外不通四夷為寇

乙巳占卷之五終

乙巳占

卷五

二十四